

Athletic ♦ Roberto Rios, Larrazabal, Larraizar eta Etxeberria osatze bidean dira

Lesionatuak gero eta hobeto daude

Josu Urrutiak ez zuen parte hartu atzoko entrenamenduan

Ramon Basaldua / Bilbo

LUIS FERNANDEZEK albiste onak jaso zituen atzo Lezaman. Izan ere, lesionaturik dauden gizonen errehabilitazioa bide onetik baitoa. Joseba Etxeberria, Roberto Rios, Aitor Larrazabal eta Iñigo Larraizar gero eta hobeto daude, eta litekeena da datorren igandean Mallorcaren aurka jokatzeko prest izatea. Bestalde, Athleticeko entrenatzaileak jakin badaki ezin go dituela zelairatu Rafa Alkorta, Felipe Gurendez eta Andoni Imaz.

Joseba Etxeberriak ez zuen jokatzetik izan Teneriferen aurka orkatila minduta zuelako. Elgoibarko aurrelaria hobeto badago ere mina nabaritzen du baloia astintzen duenean. Hala ere, baikor dago Mallorcaren aurka partiduari begira. Paco Angulo medikuaren iritziz, ordea, itxaron egin beharko da igandean jokatzetik izango duen jakiteko. «Josebaren orkatilak hoberrantzen egin du, baina oraindik ere mina igartzen du orkatilan, baloia astintzen duenean batez ere. Ikusi egin beharko da zer bilakera duen datozen egunetan eta zelan erantzuten duen lan karga handitzen diogunean», adierazi zuen atzo Athleticeko medikuak. Roberto Rios dagokionez, ezin izan zuen amaitu Athleticek Teneriferen aurka jokatzen



Roberto Rios gero eta hobeto dago, bai eta Joseba Etxeberria, Aitor Larrazabal eta Iñigo Larraizar ere.

tu zuen partidua abduktorea minduta zuelako. Portugaletekoaren hobekuntza nabarmanena izan da azken egunotan, eta ezustekorik ezean prest egongo da jokatzeko Mallorcaren aurka.

Aitor Larrazabal igandeko partidurako deialditik atgeratu zen abduktorean arazoak zituelako. Loiuko atzela-

ria gero eta hobeto dago eta errehabilitazioak azken egunetan legez jarraituz gero osatuta egongo da Mallorcaren aurkako partidurako. Ez da ahaztu behar Felipe lesionaturik izanda Larrazabalek aukera asko dituela titulartasuna berreskuratzeko.

Iñigo Larraizar gero eta hobeto badago ere, nafarra-

ren errehabilitazioa geldidiroa, eta litekeena da ezin jokatzeko Mallorcaren aurka. Larraizarrek ez du zorte handirik denboraldi honetan, belaunean ebakuntza izan eta titulartasuna eskuratu ostean lesionatu egin baita. Josu Urrutiak ez zen entrenatu atzo, baina ez du arazorik izango Mallorcan jokatzeko.

Urzaizek ehungarren partidua jokatu du Athleticekin Mallorcan

■ ISMAEL URZAIZEK ehungarren partidua jokatu du Athleticekin igandean, Mallorcan. Aurrelari nafarra hirugarren denboraldia betetzen ari da Athletic talde zuri-gorriak 96-97an Espanyoletik fitxatu zutenetik.

Urzaizek errendimendu bikaina eskaini dio Athletice berton egin dituen hiru denboraldietan. Lehenengoan hamasei gol sartu zi-

tuen berrogeita bi partidutan. Iaz zortzi gol baino ez zuen sartu hogeita hamabi partidutan. Gogoratu behar da arazoak izan zituela sudurretik arnasa hartzeko, eta ebakuntza egin ziotela. Aurten bikain ari da, eta hamalau gol sartzeaz gain hogeita hemeretzi partidua jokatu ditu.

Antza, Real Madridek aurrelari nafarra fitxatzeko asmoa agertu du.

Sei jokalariku Athleticetik bosgarren txartel horia jasotzeko zorian

■ ATHLETICEKO sei jokalarik kontu handiz ibili beharko dute hurrengo partiduetan bosgarren txartel horia jasotzeko zorian daudelako. Carlos Garcia, Roberto Rios, Mari Lacruz, Rafa Alkorta, Iñigo Larraizar eta Bittor Alkizak partidua bateko zigorra bete beharko dute hurrengo txartel horia ateratzen dietenean.

Ikus daitekeenez, zigor-

tuak izateko zorian dauden sei jokalarietatik bost atzelariak dira. Felipe Gurendez hurrengo hiru edo lau asteetan jokatu ezinda izango dela kontuan izanda, Luis Fernandezek arazoak izan ditzake atzealdean osatzeko.

Fernandez Marin, Mallorcaren aurkako partidua zuzenduko duen arbitroa, Lehen Mailan txartel hori gutxien erakutsi duena da.

hor zain

Alemania hirugarren FIFAre sailkapenean

FIFAre sailkapeneko bosgarren postutik hirugarrenera igo da Alemania. Lehenengo bi tokietan Brasilek eta Frantziak jarraitzen dute. Kroazia, aldiz, hirugarren tokitik seigarrenera jaitsi da. Italia laugarrena da, eta Txekia bosgarrena.

Geremi Madrilen da

Real Madriden azken fitxaketa, Geremi Ndjitap, Madrilerira iritsi zen atzo arratsaldean. Real Madridek 712 milioi pezeta ordaindu dizkio Genclebigili talde turkiarrari jokalarirengatik (28.428.000 libera inguru). Geremi kamerundarrak defentsan eta erdialdean jokatzen du, eta datozen bost denboraldietarako fitxatu du talde zuriarekin.

Lacatus zigortu dute aurkari bati hanka hausteagatik

Marius Lacatusen Ardelean jokalaria gaztea lesionatu zuen, asteartean Steauekin jokatuako partiduan. Lacatusi txartel gorria atera zioten, baina Ardeleuk ezingo du jokatu datozen bost hilabeteetan: hanka hautsita du.

Mexikarrak, ardoa eta emakumeak

20 urtez azpikoen Mundialean Mexikok Japoniaren aurka galdu ostean, Nigeriako egunkari batek esan zuen mexikar gazteak partiduen bezperan ardoa edaten eta emakumeekin aritu zirela. Mexikoko Jesus del Muro entrenatzaileak, berriz, adierazi du albistearen gezurra dela.

Gazte mailako nazioarteko lehia Donibane-Lohizunen

Urtero bezala, Donibane-Lohizuneko Arin Luzien taldeak nazioarteko futbol txapelketa antolatuko du junior mailakoekin. Lau egunez, Turkiako selekzioa, Vigoko Celta, Lokomotiv Sofia, Eslovakiako selekzioa, Balma, Pragako Dukla eta Le Havre ariko dira, Arin Luzienekin batera. Partidak 17:00etatik landa jokatu dira.